

სსიპ-საქართველოს ინტელექტუალური საკუთრების ეროვნული ცენტრი „საქპატენტი“

გამარტივებული ელექტრონული ტენდერის საშუალებით საქპატენტის საშტატო განრიგით გათვალისწინებულ პირთა და შრომითი ხელშეკრულებით მომუშავე შტატგარეშე პირთა (ასაკის შეუზღუდავად) და მათი ოჯახის წევრთა ჯანმრთელობის დაზღვევის (CPV66500000 - სადაზღვევო და საპენსიო მომსახურებები) მომსახურების შესყიდვა

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12<sup>1</sup> მუხლის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ სახელმწიფო შესყიდვების სააგენტოს თავმჯდომარის 07.04.2011წ. N9 ბრძანების საფუძველზე

დაფინანსების წყარო: საკუთარი სახსრები

## ს ა რ ლ ე ვ ი

1. ტექნიკური დავალება ..... 3
2. სახელმწიფო შესყიდვის შესახებ ხელშეკრულების პროექტი ..... 9

## ტექნიკური დავალება

შესყიდვის ობიექტს წარმოადგენს საქპატენტის სამტატო განრიგით გათვალისწინებულ პირთა და შრომითი ხელშეკრულებით მომუშავე შტატგარეშე პირთა (შემდგომში თანამშრომელი) (ასევე, სურვილის შემთხვევაში, თანაგადახდის პირობით მათი ოჯახის წევრთა) ჯანმრთელობის დაზღვევის მომსახურება, ასაკის შეუზღუდავად ქვემოთ მოცემული სადაზღვევო პირობების შესაბამისად.

- **ინდივიდუალური პაკეტი** - სადაზღვევო კომპანია ვალდებულია უზრუნველყოს საქპატენტის თანამშრომლების (სავარაუდო რაოდენობა 118 კაცი) ჯანმრთელობის დაზღვევა ასაკის შეუზღუდავად ქვემოთ მოცემული სახეების მიხედვით, ხელშეკრულების გაფორმებიდან 2014 წლის 31 დეკემბრის ჩათვლით.

საქპატენტს უფლება აქვს შეცვალოს დაზღვეულ პირთა რაოდენობა ხელშეკრულების მოქმედების პერიოდში ნებისმიერ დროს, რაზეც არ დაეკისრება არანაირი პასუხისმგებლობა, კერძოდ:

დაზღვეულ თანამშრომელთა რაოდენობის გაზრდის შემთხვევაში, სადაზღვევო კომპანია ვალდებულია იგივე პირობებით დააზღვიოს საქპატენტის ყოველი დამატებული თანამშრომელი, რომელთა დაზღვევის ღირებულებას დამატებით აანაზღაურებს შემსყიდველი.

შემცირების შემთხვევაში: თანამშრომლის სამსახურიდან გათავისუფლების (მ.შ. შრომითი ხელშეკრულების ვადის გასვლის და სხვა) შემთხვევაში, მოცემული პირის კორპორატიული სადაზღვევო მომსახურება შეწყდება და შემსყიდველს არ დაეკისრება ვალდებულება განაგრძოს მოცემული პირის სადაზღვევო თანხის გადახდა და არ დაეკისრება არანაირი პირგასამტეხლო.

- **საოჯახო პაკეტი** - საქპატენტის თანამშრომლის/დაზღვეულის სურვილის და თანაგადახდის შემთხვევაში, სადაზღვევო კომპანია ვალდებულია უზრუნველყოს მისი ოჯახის წევრების – მეუღლე (67 წლამდე), მშობლები (67 წლამდე) და შვილები (0-დან 18 წლამდე) დაზღვევა. ასეთ შემთხვევაში, სადაზღვევო კომპანია ვალდებულია ოჯახის წევრები (გარდა მშობლებისა) დააზღვიოს ქვემოთ მოცემული სადაზღვევო პირობების მიხედვით. ამავე დროს, აუცილებელია პრეტენდენტის მიერ შემოთავაზებულ იქნეს საოჯახო პაკეტის ღირებულება.

## სადაზღვევო პირობები

| მომსახურები სახე                                         | წლიური სადაზღვევო ლიმიტი                             | თანაგადახდა |
|----------------------------------------------------------|------------------------------------------------------|-------------|
| სატელეფონო კონსულტაცია 24/24 ცხელი ხაზი                  | ლიმიტის გარეშე                                       | 100%        |
| ოჯახის ექიმი                                             | ლიმიტის გარეშე                                       | 100%        |
| პროფილაქტიკური გამოკვლევები                              | წელიწადში ორჯერ                                      | 100%        |
| ამბულატორიული მომსახურება                                | 1200 ლარი                                            | 80%         |
| გადაუდებელი ამბულატორიული მომსახურება                    | ლიმიტის გარეშე                                       | 100%        |
| სასწრაფო სამედიცინო დახმარება                            | ლიმიტის გარეშე                                       | 100%        |
| სტაციონარული მომსახურება                                 | 8000 ლარი                                            | 100%        |
| მედიკამენტები                                            | 1000 ლარი                                            | 70%         |
| მედიკამენტები რეცეპტის გარეშე                            | 50 ლარი                                              | 70%         |
| ორსულობა                                                 | 600 ლარი                                             | 100%        |
| მშობიარობა                                               | 800 ლარი                                             | 100%        |
| გადაუდებელი სტომატოლოგიური მომსახურება                   | ლიმიტის გარეშე                                       | 100%        |
| გეგმიური სტომატოლოგიური მომსახურება პროვაიდერ კლინიკებში | 700 ლარი                                             | 80%         |
| სამოგზაურო დაზღვევა                                      | წელიწადში 30 დღე<br>არაერთჯერადი – ლიმიტი 50000 ევრო |             |
| სიცოცხლის დაზღვევა                                       | 5000 ლარი                                            |             |

### გეგმიური და გადაუდებელი სტაციონარული (ჰოსპიტალური) მომსახურება

- სამედიცინო ჩვენებით დაზღვეულის ჰოსპიტალური მომსახურების ხარჯების (ქირურგიული და თერაპიული მკურნალობის ხარჯები, პალატა, კვება) ანაზღაურება. კარდიოქირურგიის, კორონაროგრაფია, სტენტირების, ონკოქირურგიის და ონკოთერაპიის (მათ შორის კეთილთვისებიანი სიმსივნეების) მომსახურების ხარჯები;
- ჰოსპიტალური მომსახურების ორგანიზება;
- ჰოსპიტალიზაციის პერიოდში ინსტრუმენტული და ლაბორატორიული გამოკვლევების ხარჯების ანაზღაურება;
- ჰოსპიტალიზაციის პერიოდში მედიკამენტური მკურნალობის ხარჯების ანაზღაურება;
- ჰოსპიტალში 24 საათზე მეტი ხნით დაყოვნების ღირებულების ანაზღაურება;
- ჰოსპიტალური დიაგნოსტიკური-დაწესებულების თავისუფალი და ფართო არჩევანი.

### გეგმიური და გადაუდებელი ამბულატორიული მომსახურება

- ინსტრუმენტული გამოკვლევები – ექოსკოპია, ფიბროსკოპია, რენტგენი, კომპიუტერული ტომოგრაფია და სხვ. - ხარჯების ანაზღაურება;
- ლაბორატორიული გამოკვლევები – ადამიანის ბიოლოგიური სითხეების ლაბორატორიული გამოკვლევების და სხვა გამოკვლევების ხარჯების ანაზღაურება;
- სხვადასხვა პროფილის ექიმების კონსულტაციის ღირებულების ანაზღაურება;
- ტრავმების შემთხვევაში ამბულატორიული მომსახურების ხარჯების ანაზღაურება;
- სამკურნალო დიაგნოსტიკური დაწესებულების თავისუფალი და ფართო არჩევანი.

## **მედიკამენტები**

- შესაბამისი სამედიცინო ჩვენებისას ოჯახის ექიმისა და სხვადასხვა პროფილის სპეციალისტის მიერ დანიშნული მედიკამენტების ხარჯების ანაზღაურება. მათ შორის ქრონიკული დაავადებების გართულებისა და გამწვავების მკურნალობისათვის საჭირო და ონკოლოგიური პაციენტის მკურნალობისათვის განკუთვნილი მედიკამენტების ხარჯები.
- რეცეპტის გარეშე მედიკამენტები გულისხმობს ოჯახის ექიმისა ან/და სხვა ექიმის რეცეპტის გარეშე შეძენილი ტკივილგამაყუჩებელი, სიცხის დამწვევი და გაციების საწინააღმდეგო მედიკამენტების ხარჯების ანაზღაურებას.
- სააფთიაქო დაწესებულებათა თავისუფალი და ფართო არჩევანი;

## **სასწრაფო-სამედიცინო მომსახურება**

- სასწრაფო-სამედიცინო დახმარების ხარჯების სრულად ანაზღაურება;
- სასწრაფო-სამედიცინო დახმარების ბრიგადის გამოძახება;
- შემთხვევის ადგილზე გადაუდებელი სამედიცინო დახმარების გაწევა;
- საჭიროების შემთხვევაში ტრანსპორტირება სამედიცინო დაწესებულებაში;
- რეანიმაციის მომსახურება საქართველოს ნებისმიერ რეგიონში;
- სასწრაფო სამედიცინო დახმარების დაწესებულებათა თავისუფალი და ფართო არჩევანი.

## **გადაუდებელი სტომატოლოგია**

- კბილის მწვავე ტკივილის გაყუჩებისა და კბილის ექსტრაქციის ღირებულების ანაზღაურება;
- სტომატოლოგიური დაწესებულების ფართო და თავისუფალი არჩევანი.

## **გეგმიური სტომატოლოგიური მომსახურება**

- სტომატოლოგიური კონსულტაცია, დიაგნოსტიკური რენტგენოგრაფია, კბილის დაბეჭენა, გაწმენდა და თერაპიული მკურნალობა, პირის ღრუს ლორწოვანი გარსის დაავადებების მკურნალობის ხარჯების ანაზღაურება;

## **სატელეფონო – საკონსულტაციო მომსახურება**

- 24 საათიანი სატელეფონო საინფორმაციო მომსახურება;
- გადაუდებელი და გეგმიური სამედიცინო დახმარების ორგანიზაცია (ბინაზე კონსულტაციისა და ინსტრუმენტულ-ლაბორატორიული გამოკვლევების უზრუნველყოფის ჩათვლით).

## **ოჯახის ექიმის მომსახურება**

- თითოეულ დაზღვეულზე პირადი ექიმის გამოყოფა;
- დაზღვეულის ჯანმრთელობის მდგომარეობის უწყვეტი სამედიცინო მონიტორინგი;
- ჯანმრთელობის მდგომარეობის მონიტორინგი: პროფილაქტიკური გასინჯვა და კლინიკო-ლაბორატორიული გამოკვლევები (სისხლის საერთო ანალიზი, შარდის საერთო ანალიზი, ე.კ.გ. პროთრომბინის განსაზღვრა სისხლში);
- ანკეტა-ისტორიის შექმნა;
- მომსახურება ბინაზე;
- სამედიცინო კონსულტაციებით უზრუნველყოფა;
- მუდმივი სამედიცინო მეთვალყურეობა, რისკ ფაქტორებისა და ქრონიკულ დაავადებათა სკრინინგი.
- დაზღვეულთათვის ბინაზე მკურნალობის უზრუნველყოფა და კონტროლი;
- თანხლება სამედიცინო გამოკვლევისა და მკურნალობის ყველა ეტაპზე;
- დაზღვეულის ჰოსპიტალიზაციის შემთხვევაში დაზღვეულის ინტერესების დაცვისა და პატრონაჟის ფუნქციის შესრულება;
- რთული დიაგნოზის შემთხვევაში კონსილიუმის მოწვევა;
- ჰოსპიტალიზაციის შემდგომი რეაბილიტაცია.

### **ორსულობა**

- ექიმის კონსულტაცია, ლაბორატორიული და ინსტრუმენტული გამოკვლევების ხარჯების ანაზღაურება, პატონაჟისათვის საჭირო სამედიცინო მომსახურება (იგულისხმება ორსულობის მეთვალყურეობის მომსახურება, ანუ ორსულის რიგგარეშე ვიზიტებისა და კონსულტაცია-გამოკვლევების ხარჯების დაფარვა. აგრეთვე, ორსულთა ის პათოლოგიები, რომელიც საჭიროებს ჰოსპიტალიზაციას);
- საშვილოსნოს გარე ორსულობა, როგორც სიცოცხლისთვის საშიში მდგომარეობა, განიხილება გეგმიური და გადაუდებელი სტაციონარული მომსახურების ნაწილში;
- დაზღვევამდე არსებული ორსულობის სამედიცინო მეთვალყურეობა და სადაზღვევო ანაზღაურება.
- გინეკოლოგიური დაწესებულებების თავისუფალი და ფართო არჩევანი.

### **მშობიარობა**

- ფიზიოლოგიური მშობიარობისა და საკეისრო კვეთის ხარჯების სრული ანაზღაურება, კვების ჩათვლით;
- გინეკოლოგიური დაწესებულებებისა და მეანის თავისუფალი და ფართო არჩევანი.

### **პროფილაქტიკური გამოკვლევა**

კლინიკო-ლაბორატორიული შემოწმება: სისხლის და შარდის საერთო ანალიზი, გლუკოზის განსაზღვრა სისხლში, ეკგ, პროთრომბინის განსაზღვრა სისხლში, ანკეტა-ისტორიის შექმნა. კლინიკო-ლაბორატორიული შემოწმება ტარდება მზღვეველის პროვაიდერ კლინიკებში ოჯახის ექიმის მიმართვის საფუძველზე.

### **სიცოცხლის დაზღვევა**

დაზღვეულის უბედური შემთხვევით ან ბუნებრივი მიზეზით გარდაცვალების შემთხვევაში მისი მემკვიდრისათვისთვის თანხის ანაზღაურება. გამონაკლისებში მითითებული შემთხვევების გარდა.

საოჯახო პაკეტით ოჯახის წევრის სიცოცხლის დაზღვევა განხორციელდება სპეციალური განაცხადის შევსების საფუძველზე და მხოლოდ პრეტენდენტის თანხმობის შემთხვევაში. ამასთან, ოჯახის წევრების სიცოცხლის დაზღვევა გავრცელდება მხოლოდ ერთიდან სამოც წლამდე ასაკის პირებზე.

### **დაზღვევა უნდა გავრცელდეს:**

- ა) დაზღვევამდე არსებული დაავადებების მკურნალობაზე;
- ბ) ქრონიკული დაავადებების გართულების და გამწვავების მკურნალობაზე.
- სადაზღვევო ანაზღაურების გაცემის გამარტივებული პროცედურა;
- გამონაკლისების მითითება დეტალურად (რაც ანაზღაურებას არ ექვემდებარება);

### **აუცილებელი პირობა**

- არაპროვაიდერი კლინიკის არჩევის შემთხვევაში ზარალის ანაზღაურება მოხდება მხოლოდ გადახდის დამადასტურებელი დოკუმენტის ან/და სათანადო კალკულაციის და ექიმის მიერ დამოწმებული დოკუმენტის სადაზღვევო კომპანიისათვის წარდგენის საფუძველზე;
- ზარალის ანაზღაურება (არაპროვაიდერი კლინიკის არჩევის შემთხვევაში) უნდა მოხდეს შემდეგნაირად:
  - ა) 200 ლარამდე – დოკუმენტების სადაზღვევო კომპანიაში წარდგენის დღესვე;
  - ბ) 200 ლარის ზევით – დოკუმენტების სადაზღვევო კომპანიაში წარდგენიდან არაუგვიანეს 10 სამუშაო დღისა.

## შენიშვნა

- დაზღვეულის ოჯახის წევრს (მეუღლე (67 წლამდე), მშობლები (67 წლამდე) და შვილები (0-დან 18 წლამდე), რომელთაც სადაზღვევო პაკეტი მიითითებული ზღვრული ასაკი სადაზღვევო ხელშეკრულების ძალაში შესვლის შემდეგ შეუსრულებათ, სადაზღვევო მომსახურება უნარჩუნდებათ მიმდინარე ხელშეკრულების მოქმედების პერიოდში.
- ტენდერში გამარჯვებულმა სადაზღვევო კომპანიამ არ უნდა გადასცეს თავისი ვალდებულებები მესამე პირს დამატებითი შეთანხმების გარეშე.

## ანაზღაურებას უნდა დაექვემდებაროს შემდეგი შემთხვევები:

- დაზღვევამდე არსებული დაავადებების მკურნალობის ხარჯები, რაც ექვემდებარება წინამდებარე დაზღვევით დაფარვას.

## გამონაკლისად არ ჩაითვლება

- დაავადებათა ჯგუფი, რომელიც მიეკუთვნება გამონაკლისებს და გამოწვეულია ტრავმული ან თერმული დაზიანებით, სხვა უბედური შემთხვევით და წარმოადგენს მათ შემდგომ სამედიცინო მდგომარეობებს და გართულებებს. ასეთი შემთხვევების სამედიცინო მომსახურების ხარჯები უნდა დაიფაროს სტაციონარული მომსახურების ლიმიტიდან.
- ქრონიკული დაავადებების გამწვავებასა და გართულებებთან დაკავშირებული გამოკვლევისა და მკურნალობის ხარჯები, მათ შორის ქირურგიული მკურნალობა, და ურგენტული სამედიცინო მომსახურება.

შენიშვნა: პრეტენდენტები ვერ გაივლიან შერჩევას, თუ არ გააჩნიათ საქართველოს სადაზღვევო ბაზარზე ჯანმრთელობის სფეროში მუშაობის არა ნაკლებ 5 (ხუთი) წლიანი გამოცდილება.

## პრეტენდენტებმა სისტემაში უნდა ატვირთონ შემდეგი დოკუმენტები და ინფორმაცია:

1. ინფორმაცია პროვაიდერი სამედიცინო დაწესებულებების შესახებ დასახელების, მისამართებისა და ტელეფონის ნომრების მითითებით;
2. ინფორმაცია ორგანიზაციის რეკვიზიტების შესახებ (სახელწოდება, ორგანიზაციულ-სამართლებრივი ფორმა, იურიდიული მისამართი, საიდენტიფიკაციო კოდი, ტელეფონის/ფაქსის ნომერი, ხელმძღვანელ(ებ)ის სახელი და გვარი, ელექტრონული მისამართი, ბანკის დასახელება, ბანკის კოდი, ანგარიშსწორების ანგარიშის ნომერი);
3. ინფორმაცია გამოცდილების შესახებ.
4. განფასება (ყოველთვიური სადაზღვევო პრემია ინდივიდუალური პაკეტისთვის, ყოველთვიური სადაზღვევო პრემია საოჯახო პაკეტისთვის, შესაძლებელია მშობლების დაზღვევის განფასების და პაკეტის ცალკე წარმოდგენა).

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია ხელმოწერილი უნდა იყოს უფლებამოსილი ან მისი ნდობით აღჭურვილი პირის ხელმოწერით.

სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის „ა“-„ზ“ ქვეპუნქტებში განსაზღვრულ მოთხოვნებზე:

- ა) მიმწოდებელთან ანგარიშსწორება განხორციელდება უნაღდო ანგარიშსწორებით, ეროვნულ ვალუტაში;
- ბ) ანგარიშსწორებისათვის შემსყიდველსა და მიმწოდებელს შორის უნდა გაფორმდეს ყოველთვიური მიღება-ჩაბარების აქტი. მიმწოდებელი ვალდებულია მიაწოდოს შემსყიდველს თანმხლები დოკუმენტაცია. ანგარიშსწორება მოხდება შემსყიდველის მიერ მიღება-ჩაბარების აქტის ხელმოწერიდან

15 კალენდარული დღის განმავლობაში;

გ) წინასწარი გადახდის მექანიზმი არ გამოიყენება;

დ) ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება:

- ელექტრონული გარანტიების რეესტრის მეშვეობით გაცემული ელექტრონული გარანტიისათვის არანაკლებ 120 (ას ოცი) კალენდარული დღით, ტენდერისათვის სტატუსის - „წინადადებების მიღება დაწყებულია“ მინიჭების ეტაპიდან.
- იმ შემთხვევაში, თუ ელექტრონული გარანტია წარდგენილია საბანკო პლასტიკური ბარათიდან სააგენტოს ანგარიშზე თანხის გადარიცხვის გზით შესაბამისი ტენდერისათვის საბოლოო სტატუსის მინიჭებამდე.

ე) პრეტენდენტს არა აქვს უფლება წარმოადგინოს ალტერნატიული წინადადება.

ვ) სატენდერო წინადადებაში საერთო და ერთეულის ფასი გამოსახული უნდა იყოს ლარში, ყველა ხარჯისა და საქართველოს კანონმდებლობით დაწესებული გადასახადის გათვალისწინებით.

ზ) კომპანია ვალდებულია გასწიოს სადაზღვევო მომსახურება ხელშეკრულების ძალაში შესვლიდან ხელშეკრულების მოქმედების ვადის განმავლობაში 2014 წლის 31 დეკემბრის ჩათვლით.

*შენიშვნა: გამარჯვებულმა პრეტენდენტმა უნდა წარმოადგინოს ვაჭრობის შედეგად დაფიქსირებული საბოლოო ფასების შესაბამისი ხარჯთაღრიცხვა.*

დამატებითი ინფორმაციის მიღება შესაძლებელია სატენდერო კომისიის აპარატში, საკონტაქტო ტელეფონი: 298-85-18, 591400809. საკონტაქტო პირები: გიორგი ჯავახიშვილი და ირაკლი კასრაძე.

სახელმწიფო შესყიდვების შესახებ #  
ხელშეკრულება N-----

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. მცხეთა

\_\_\_\_\_ 2013 წელი

ერთის მხრივ საქართველოს საქართველოს ინტელექტუალური საკუთრების ეროვნული ცენტრი „საქპატენტი“ (შემდგომში „შემსყიდველი“) წარმოდგენილი მისი საფინანსო დეპარტამენტის უფროსის ვლადიმერ სიხარულიძის სახით, და მეორეს მხრივ, \_\_\_\_\_ (შემდგომში „მიმწოდებელი“) წარმოდგენილი მისი დირექტორის \_\_\_\_\_ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, №SPA----- გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

### 1. ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) –შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „შემსყიდველი“ (დამზღვევი) – ორგანიზაცია, რომელიც ახორციელებს შესყიდვას.
- 1.3. „მიმწოდებელი“ (მზღვეველი) – პირი, რომელიც ახორციელებს მომსახურებას გაწევას ხელშეკრულების ფარგლებში.
- 1.4. „დაზღვეული“ – დამზღვევის თანამშრომლები ასაკის შეუზღუდავად, რომელთა სასარგებლოდაც ხორციელდება დაზღვევა
- 1.5. სადაზღვევო პოლისი – მზღვეველის მიერ გაცემული დაზღვევის დამადასტურებელი დოკუმენტი, დამზღვევს სადაზღვევო შემთხვევის დადგომისას უფლებას აძლევს მოითხოვოს სადაზღვევო მომსახურება. პოლისის დამზადება ხდება ხელშეკრულებაზე ხელის მოწერიდან 10 (ათი) კალენდარული დღის განმავლობაში.
- 1.6. „დაზღვევის ტერიტორია“ – ტერიტორია, რომელზეც ვრცელდება დაზღვევის მოქმედება.
- 1.7. „სადაზღვევო პრემია“ – თანხა, რომელიც უნდა გადაუხადოს „შემსყიდველმა“ „მიმწოდებელს“ ამ ხელშეკრულებით გათვალისწინებული დაზღვევის საფასურად.
- 1.8. „სადაზღვევო შემთხვევა“ – წინამდებარე ხელშეკრულებით (და მისი დანართების პირობებით) განსაზღვრული შემთხვევები, რომელთა დადგომისას წარმოიშვება მიმწოდებლის ვალდებულება, გასცეს სადაზღვევო ანაზღაურება წინამდებარე ხელშეკრულების პირობების შესაბამისად;

### 2. ხელშეკრულების საგანი

- 2.1. წინამდებარე ხელშეკრულება არეგულირებს ურთიერთობებს, რომელიც წარმოიშვება „შემსყიდველსა“ და „მიმწოდებელს“ შორის დაზღვეულ პირთა დაზღვევისას.
- 2.2. ხელშეკრულების საგანია საქპატენტის საშტატო განრიგით გათვალისწინებულ პირთა და შრომითი ხელშეკრულებით მომუშავე შტატგარეშე პირთა (ასაკის შეუზღუდავად) ჯანმრთელობის დაზღვევის (CPV-66512200) მომსახურების შესყიდვა, რომლის აღწერა მოცემულია ტექნიკურ დავალებაში, რომელიც წარმოადგენს ხელშეკრულების განუყოფელ ნაწილს.

### 3. ხელშეკრულების ღირებულება

- 3.1. 1 (ერთი) ინდივიდუალური პაკეტის ღირებულება თვეში შეადგენს \_\_\_\_\_ ლარს, სულ \_\_\_\_\_

ლარი.

3.2. ყოველთვიური სადაზღვევო პრემია შეადგენს \_\_\_\_\_ ლარს.

3.3. ხელშეკრულების ჯამური ღირებულება შეადგენს \_\_\_\_\_ ლარს.

3.4. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

#### 4. ანგარიშსწორების ფორმა და ვადები

4.1. შესყიდული მომსახურების ღირებულების ანაზღაურება განხორციელდება ეროვნულ ვალუტაში, უნაღდო ანგარიშსწორებით, მომსახურების გაწევის შემდეგ, ეტაპობრივად, შესაბამისი შუალედური (1 თვე) მიღება-ჩაბარების აქტის გაფორმების საფუძველზე, მიმწოდებლის მიერ მითითებული რეკვიზიტების მიხედვით.

4.2. წინასწარი ანგარიშსწორება არ გამოიყენება.

4.3. ანგარიშსწორება მოხდება – შესაბამისი შუალედური მიღება-ჩაბარების აქტის წარმოდგენიდან არაუმეტეს 15 (თხუთმეტი) კალენდარული დღის განმავლობაში.

#### 5. მიღება-ჩაბარების წესი

მომსახურება ჩაითვლება მიღებულად მხოლოდ მხარეთა მიერ შესაბამისი ყოველთვიური მიღება-ჩაბარების აქტის ხელმოწერის შემდეგ.

#### 6. მხარეთა უფლება-მოვალეობანი

6.1. შემსყიდველი უფლებამოსილია:

- ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;
- ბ) სადაზღვევო შემთხვევის დადგომისას მოითხოვოს „მიმწოდებლის“ მიერ სადაზღვევო ანაზღაურების გაცემა.
- გ) მოითხოვოს „მიმწოდებლის“ მიერ წინამდებარე ხელშეკრულებით, დაზღვევის პირობებითა და შესაბამისი სადაზღვევო პოლისებით ნაკისრი ვალდებულებების სრული და განუხრელი შესრულება.
- დ) მომსახურების გაწევის დასრულებამდე გამოითხოვოს მიმწოდებლისგან მისთვის საჭირო დოკუმენტი.
- ე) ნებისმიერ დროს მოახდინოს დაზღვეულ პირთა რაოდენობის ცვლილება, რაზეც არ დაეკისრება არანაირი პასუხისმგებლობა.

6.2. შემსყიდველი ვალდებულია:

- ა) უზრუნველყოს მიმწოდებლის მიერ გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- ბ) ჯეროვნად შეასრულოს მასზე წინამდებარე ხელშეკრულებითა და მისი დანართებით დაკისრებული ვალდებულებები.

6.3. მიმწოდებელი უფლებამოსილია:

- ა) მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. მიმწოდებელი ვალდებულია:

- ა) გასწიოს მომსახურება სათანადო ხარისხითა და სრული მოცულობით, განუხრელად და ჯეროვნად შეასრულოს ხელშეკრულებისა და მისი დანართების პირობები იმ ვადაში, რომელიც მითითებულია წინამდებარე ხელშეკრულებაში;
- ბ) გადასცეს შემსყიდველს სადაზღვევო პოლისები ხელშეკრულების ხელმოწერიდან 10 (ათი) კალენდარული დღის განმავლობაში. ამასთან გაუწიოს დაზღვეულებს სამედიცინო მომსახურება ხელშეკრულების ძალაში შესვლის მომენტიდან ხელშეკრულების მოქმედების ვადის განმავლობაში 2014 წლის 31 დეკემბრის 24.00 სთ-ის ჩათვლით.
- გ) დროულად და სრულად გასცეს სადაზღვევო ანაზღაურება დაზღვეულზე ხელშეკრულებით განსაზღვრული პირობების შესაბამისად.

## 7. ხელშეკრულებით ნაკისრი ვალდებულებების შესრულების ინსპექტირება

7.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ გამოყოფილი პირი -----.

7.2. ინსპექტირება გულისხმობს მიმწოდებლის მიერ ხელშეკრულების პირობების შესაბამისად გაწეული მომსახურების კონტროლს.

## 8. ხელშეკრულებაში ცვლილებების შეტანა და ხელშეკრულების შეწყვეტა

8.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.2. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

8.3. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს არანაკლებ 1 (ერთი) თვით ადრე წერილობით, თუ მხარე რომელიც აღვევს ხელშეკრულების პირობებს არ გამოასწორებს დარღვევას მეორე მხარის მიერ დამატებით განსაზღვრულ, გონივრულ ვადაში.

8.5. შემსყიდველის ფინანსური მდგომარეობის გაუარესების შემთხვევაში შემსყიდველს უფლება აქვს წინასწარ 1 (ერთი) თვით ადრე წერილობით აცნობოს მიმწოდებელს ხელშეკრულების ცალმხრივად შეწყვეტის შესახებ. აღნიშნულ შემთხვევაში შემსყიდველს არ დაეკისრება ზიანის ანაზღაურების ვალდებულება.

8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

## 9. დაუძლეველი ძალა (ფორს-მაჟორი)

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (ფორს-მაჟორი) ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია გონივრულ ვადაში აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

## 10. მხარეთა პასუხისმგებლობა

10.1. „მიმწოდებელი“ პასუხს აგებს „შემსყიდველის“ წინაშე იმ ზარალისათვის, რომელიც გამოწვეულია მომსახურების გაწევის ვადის გადაცილებით და არაკეთილსინდისიერი შესრულებით.

10.2. ხელშეკრულების პირობების დარღვევის შემთხვევაში, კერძოდ, თუ მხარეები ხელშეკრულებით გათვალისწინებულ დროში ვერ შეასრულებენ მათზე დაკისრებულ მოვალეობებს, მხარე უფლებამოსილია დააკისროს დამრღვევ მხარეს პირგასამტეხლო – ხელშეკრულების საერთო თანხის 0,05%-ის ოდენობით ყოველ გადაცილებულ დღეზე.

## 11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

## 12. ხელშეკრულების მოქმედების ვადა

12.1. ხელშეკრულება ძალაში შედის ----- და მოქმედებს 2014 წლის 31 დეკემბრის 24.00 სთ-ის ჩათვლით.

12.2. ხელშეკრულება შედგენილია ქართულ ენაზე, თანაბარი იურიდიული ძალის მქონე 3 (სამი) ეგზემპლარად (ერთი ეგზემპლარი მიმწოდებელს, ხოლო ორი შემსყიდველს).

მხარეთა რეკვიზიტები და ხელმოწერები

შემსყიდველი

მიმწოდებელი

ვლადიმერ სიხარულიძე  
საფინანსო დეპარტამენტის უფროსი  
სსიპ საქართველოს ინტელექტუალური საკუთრების ეროვნული ცენტრი „საქპატენტი“  
ს/ კოდი: 203831363  
მის: საქართველო, ქ. მცხეთა, ანტიოქიის ქ. №5

საბანკო რეკვიზიტები:  
ს/ს „საქართველოს ბანკი“  
ბანკის კოდი: BAGAGE22  
ანგარიშის N: GE57BG0000000892218200